

Nr.Prot. 005/B/19

VENDIMI Nr. 1299**Për****Vazhdimin e afatit për Publikimin e Ofertës Referente**

Në mbështetje të Ligjit Nr. 04/L-109 për Komunikime Elektronike, neni 1, neni 10 paragrafi 5), neni 30, neni 31, paragrafi 1), paragrafi 3.3) dhe paragrafi 4.2) dhe 4.3) , neni 32, neni 33, neni 34, neni 36, neni 37 dhe neni 79 paragrafi 1 dhe 2) (*tutje referuar si; Ligji*);, Rregullores Nr. 27 për Analizat e Tregut, (*Ref. ARKEP Nr. Prot. 039/B/14*), neni 3, paragrafët 1), 3) dhe 4), neni 4, paragrafi 3.13) (*tutje referuar si; Rregullorja për Analizat e Tregut*), Rregulloren për Sigurimin e Qasjes, Nr.Prot.012/B/11 (*tutje referuar si - Rregullorja e Qasjes*); Rregullorja për Interkoneksion, Nr.Prot.033/B/11; Rregulloren për Bashkë-shfrytëzimin e plotë dhe të përbashkët të lakut dhe nën-lakut lokal Nr. Prot. 024/B/11; në përputhje me dispozitat e neni 13 paragrafi 1 dhe 5 i Statutit të Autoritetit Rregullator për Komunikime Elektronike dhe Postare (*tutje referuar si - ARKEP*), Bordi i ARKEP i përbërë nga,

- 1) z. Kreshnik Gashi Kryetar i Bordit
- 2) z. Nijazi Ademaj Anëtar i Bordit
- 3) z. Hazir Hajdari Anëtar i Bordit
- 4) z. Bahri Anadulli Anëtar i Bordit
- 5) z. Shqiprim Pula Anëtar i Bordit

në mbledhjen e 34 të Bordit të mbajtur më datë 28 Janar 2019, pas shqyrtimit të kërkesës së operatorit IPKO Telecommunications LLC dhe rekomandimit të Departamentit për Komunikime Elektronike, vendosi si më poshtë:

V E N D I M

- I. Miratohet kërkesa e IPKO Telecommunications LLC për vazhdimin e afatit për publikimin e Ofertës Referente, të përcaktuar me Vendimin Nr.1287 (*Ref. Nr.Prot.070/B/18: dt.26/12/2018*) për “përcaktimin e ndërmarrjes IPKO Telecommunications LLC si ofrues me fuqi të ndjeshme në tregun e Qasjes me shumicë Brezgjere”.
- II. Obligohet IPKO Telecommunications LLC që **brenda 18 (tetëmbëdhjetë) muajve nga data e miratimit të këtij vendimi, të publikojë ofertën referente sipas Rregullores për Qasje dhe Rregullores për interkoneksion**”.
- III. Ky vendim është përfundimtar dhe hynë në fuqi ditën e nënshkrimit.

ARSYETIM

Në bazë të nenit 10 paragrafi 5) i Ligjit përcaktohe se *“Miraton vendimet në lidhje me përcaktimin e tregjeve përkatëse, kryen analizat e tregut dhe imponimin, si dhe tërheqjen e obligimeve të rregullatorit tek operatorët me fuqi të ndjeshme tregu”*.

Në bazë të nenit 30 paragrafi 1 i Ligjit *“Ndërmarrësi do të konsiderohet që ka fuqi të ndjeshme tregu (FNT) nëse ai, ose bashkë me të tjerët ka një pozitë ekuivalente mbizotërimi, pra një pozitë të forcës ekonomike që i jep fuqi që të veprojë në nivel të konsiderueshëm në mënyrë të pavarur nga konkurrentët, klientët dhe shfrytëzuesit fundorë”*, Për me tepër paragrafi 2 i këtij neni përcakton se *“Aty ku ndërmarrësi ka FNT në një treg relevant, gjithashtu mund të mendohet që ka FNT në një treg të lidhur ngushtë me të (tregu tjetër), nëse lidhjet në mes dy tregjeve janë të tilla që të lejojnë që fuqia e tregut që e ka në një treg të ndikojë në tregun tjetër, duke përforcuar fuqinë në treg të ndërmarrësit. Prandaj, detyrimet që kanë për qëllim parandalimin e ndikimit të tillë mund të zbatohen në tregun tjetër”*.

Kurse neni 32 i Ligjit përcakton se Autoriteti ka të drejtë të imponoj detyrime për ndërmarrësit që kanë FTN në një treg relevant.

ARKEP me Vendimin nr.1287 (Ref. Nr.Prot.026/B/19) të datës 26 Dhjetor 2018 ka përcaktuar operatorin IPKO Telecommunications LLC si Ofrues me Fuqi të Ndjeshme në tregun e Qasjes me shumicëbrezgjërë si dhe ka vendosur detyrimet si në vijim:

- detyrimi i qasjes,
- detyrimi për mos-diskriminim,
- detyrimi i transparencës, dhe
- detyrimi për kontrollin e çmimeve.

Në kuadër të detyrimit të transparencës, ARKEP ka përcaktuar që brenda 3 muajve nga data e miratimit të vendimit, operatori IPKO të publikoj ofertën referentesipas Rregullores për Qasje dhe Rregullores për Interkoneksion.

Më datë 24 Janar 2019, operatori IPKO ka kërkuar nga ARKEP (Ref. Nr.Prot.026/2/19) që të shtyej afatin për publikimin e ofertës referente për 2 vite me arsyetimin se duhet të ndërmerren një numër i konsiderueshëm i aktiviteteve dhe si rrjedhojë është teknikisht e pamundur që brenda afatit të specifikuar nga ARKEP prej 3 muajve të përmbushet ky detyrim.

Duke pas parasysh atë që u tha më lartë si dhe faktin se Korniza rregullatore të BE-së, e cila është transpozuar në Ligjin për Komunikimet Elektronike, përcakton se detyrimet rregullatore duhet të zgjidhen duke pasur parasysh parimin e proporcionalitetit dhe duhet të jenë sa më pak të rënda dhe të përshtatshme për këtë qëllim (grupi minimal i detyrimeve që do të ishin në gjendje t'i zgjidhnin problemet e identifikuar të konkurrencës), pra rregullimi duhet të jetë minimal i

domosdoshëm, i bazuar në parimet themelore për rregullimin e aktiviteteve të komunikimeve elektronike.

Andaj, është vendosur sikurse në dispozitiv të këtij vendimi.

Këshilla Juridike:

Pala e pakënaqur me këtë vendim mund të iniciojë konflikt administrativ në Gjykatën Kompetente, brenda tridhjetë (30) ditëve nga data e pranimit të Vendimit.

Prishtinë, 11/02/2019

Autoriteti Rregullator i Komunikimeve Elektronike

Kreshnik Gashi
Kryetar i Bordit

Aktivendimi i dërgohet:

- Operatorëve të Autorizuar të rrjeteve dhe shërbimeve të komunikimeve elektronike;
- Autoritetit Kosovar të Konkurrencës;
- Ministrisë së Zhvillimit Ekonomik;
- Arkivit të ARKEP-it.